



KOMUNIKADO PA PRENSA

Fecha

20/07/2021

Trabounan pa yena buraku a kuminsá

Willemstad – Minister Charles Cooper huntu ku su ministerio a logra pa trabounan di yenamentu di buraku rònt Kòrsou kuminsá. Ayera mainta a bai na e planta di asfalt na Landfill pa despues sigui rumbo pa Veeris pa yena e promé burakunan. Tin 4 kontratista ku ta ehekutá e trabounan aki den transcurso di e simannan benidero.

Den transcurso di e último añanan, e estado di nos kareteranan a bai hopi atras. Esaki pa motibu di entre otro falta di mantencion struktural i falta di fondo. Tin kareteranan den hopi mal estado, tambe un gran kantidat di buraku a forma den kayanan rònt nos isla. Esaki ta un peliger pa tráfiko i por kousa daño na vehíkulonan.

Mirando e situashon agudo aki, Minister Charles Cooper a pone como prioridad pa kuminsá na yena burakunan den nos kareteranan. Esaki ku e meta pa trese un alivio riba término korte. Banda di e trabounan di yenamentu di buraku, tin kareteranan ku tin mester di un poco mas atencion ku djis yena buraku. Pa e kareteranan aki, ta trahando riba un sistema kaminda por saka un parti di e kaya, i pone un kapa di asfalt nobo einan.

Huntu ku esaki, Minister Charles Cooper ta enkamindando e trayekto pa re-introducir Stichting Wegenfonds Curaçao pa por aloká fondonan di impuesto di vehíkulo (motorrijtuigenbelasting). Di e forma aki, lo tin un mihó maneho riba término largu pa mantencion i reconstrucción nos kareteranan.